

von Wulf Wager

Hällo Wien!



Hot's bei euch au klingelt, letscht Woch am Doorschdich? "Süßes oder Saueres" hend wild verkleidetete Gschbenschr mi bedroht.

No han i mit de Auga grollt, han d' Zäh bleckt ond gsait "Gangat zom Deifl mit eirem amerikanischa Hällo-wien-Scheiß, sonscht kriagat 'r von mir a Gläsle Essig-gurka, no hend 'r Saures.

Kommat wieder, wenn 'r Riabagoischer gschnitzt hend. No geits ebbes!"

Mi nervt des wia d' Sau. Wia wemmr koine oigene Traditiona hättat. Mir hend als Kender Angerschegoaschter gschnitzt ond send so von Haus zu Haus zoga. Heut machat onsre Kender bloß den amerikanischa Hällo-wien-Plaschtik-Mischt mit. Mir brauchat ons doch mit onsrer Kultur gwieß net hendr dr amerikanischa vrstekka. Mir hend jo wenigstens Kultur...

Für alle, wo Intresse am Oigana, am Gwachsana, am Überlieferta aus em Ländle hend, geit's jetzt a nuia Zeitschrift, die i raus breng: "Mein Ländle – Die schönsten Seiten Baden-Württembergs". Wenn 'r schnell sprengat, no kriagat 'r am Kiosk no oine. Do hot's en Haufa scheene, typische Sacha drenn - zom Beispiel, wia mr Angerschegoaschtr bzw. Riabagoischer macht...

Bis näggschd Woch
Ihr

Wulf Wager

A handwritten signature in black ink, appearing to read 'Wulf Wager', with a long, sweeping flourish extending to the right.

Alle Kolumna zom Nochlesa
onder: www.woascht.de oder em facebook em
Wulf Wager Fanclub